

Na osnovu Okvirnog sporazuma za usluge **Angažovanja vanjske kontrole kvaliteta za potrebe izgradnje primarnih gradskih saobraćajnica I transverzale i IX transverzale** broj: 04-14-39797-OS/18 od 14.03.2019.godine i na osnovu člana 32. Zakona o javnim nabavkama u BiH („Službeni glasnik BiH“ br. 39/14) između sporazumnih strana zaključuje se:

U G O V O R I I I

Angažovanje vanjske kontrole kvaliteta za potrebe izgradnje prve etape II faze IX transverzale- Rondo sa vezama i izmještanjem instalacija

UGOVORNE STRANE:

DIREKCIJA ZA PUTEVE KANTONA SARAJEVO, ulica Hamida Dizdara broj 1 Sarajevo, koju zastupa direktor Selmir Kovač dipl.ing.saob (u daljem tekstu:Naručilac)

i

DTQ d.o.o. i Divel d.o.o. Lužansko polje 7 Ilidža ID broj 4201351660007, koga zastupa direktor Emir Muslić (daljem tekstu: Izvršilac),

PREDMET UGOVORA

Član 1.

Predmet ovog ugovora su usluge angažovanja vanjske kontrole kvaliteta za potrebe izgradnje prve etape II faze IX transverzale- Rondo sa vezama i izmještanjem instalacija, u sklopu Okvirnog sporazuma broj 04-14-39797-OS/18 od dana 14.03.2019. godine u svemu prema postupku javne nabavke provedenog putem otvorenog postupka, koji je proveden na osnovu donesene Odluke o javnoj nabavci (Broj: 04-14-39797/19 od dana 18.12.2018. godine), dostavljene ponude Izvršioca (od 21.01.2019.godine) i Odluke o izboru najpovoljnijeg ponuđača i dodjeli ugovora (Broj: 04-14-39797/18 od dana 01.02.2019.godine) koje čine sastavni dio Ugovora.

Član 2.

Predmet ugovora definisan je zahtjevom Naručioca, specifikacijom, tenderskom dokumentacijom, prihvaćenom ponudom i okvirnim sporazumom.

CIJENA I NAČIN PLAĆANJA

Član 3.

Ugovorne strane su saglasne da je ukupna cijena ovog Ugovora definisana prihvaćenom ponudom i iznosi

43.986,15 KM sa PDV-om

(slovima: četrdesettrihljadedevetstotinaosamdesetšest i 15/100)

37.595,00 bez PDV-a

Ugovorene strane su saglasne da je utvrđena cijena fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove.

Cjenovnik utvrđuje se na temelju jediničnih cijena iz ponude, po vrstama poslova.

Član 4.

Ugovorne strane su saglasne da će se plaćanje po ovom ugovoru izvršiti u skladu sa odredbama tenderske dokumentacije i potpisanog okvirnog sporazuma, u roku od 60 dana od dana prijema računa i ovjere situacije od strane nadležnog nadzornog organa.

Plaćanje se vrši na račun ponuđača naveden u ponudi.

ROK ZA IZVRŠENJE

Član 5.

Izvršioc se obavezuje da će poslove koji su predmet ovog ugovora izvršiti u skladu sa ugovorenim obimom i utvrđenom dinamikom u roku od 6 (šest) mjeseci od dana uvođenja u posao od strane nadzornog organa.

Izvršioc ima pravo da zahtjeva produženje roka za izvršenje u slučajevima kada je to opravdano, u slučaju nastupanja izvanrednih okolnosti koje onemogućavaju izvršenje po predviđenoj dinamici.

Opravdanim razlozima za produženje roka smatraju slučajevi koji se ne mogu u dovesti u vezu sa odgovornošću Izvršioca (prirodne nepogode više sile (poplave, zemljotresi, sl), geološki, hidro-klimatski uslovi, mjere predviđene aktima nadležnih organa, nastanak uvjeta koji nisu predviđeni tehničkom dokumentacijom i sl). U slučaju eventualnog nastanka osnova za podnošenje zahtjeva za produženje roka Izvršioca je dužan zahtjev podnijeti prema naručiocu po hitnom postupku u odnosu na momenat nastupanja nepredviđene okolnosti.

GARANTNI ROK I KAZNA ZA NEBLAGOVREMENO IZVRŠENJE

Član 6.

Garantni rok za izvršeni posao definiše se u skladu sa pravilima struke i iznosi 3 (tri) godine računajući od dana okončanja posla.

Izvršilac se obavezuje da održava kontinuitet i dinamiku izvršenja svojih obaveza kako bi se posao završio u određenom roku.

U slučaju zakašnjenja u normalnim uslovima Naručilac će tolerisati Izvršiocu prekoračenje roka od 2 (dva) dana od ugovorenog roka.

Za svaki dan zakašnjenja završetka preko 2 (dva) dana Izvršioca će platiti Naručiocu kaznu u iznosu 0,1% ugovorene vrijednosti za svaki naredni dan zakašnjenja. Maksimalna kazna za kašnjenje je 5% od ukupno ugovorene vrijednosti posla.

U slučaju kada Ugovorni organ ocjeni opravdanim produženje roka, ili kada potreba produženja roka nastane bez krivice i odgovornosti Izvršioca pomenuta kazna se ne zaračunava.

OBAVEZE IZVRŠIOCA

Član 7.

Izvršioc se obavezuje:

- izvršiti sve ugovorene obaveze u potpunosti a kako je to predviđeno specifikacijom/predmjerom i ostalim prilozima koji čine sastavni dio ugovora,

- ugovorene poslove obaviti u skladu sa važećim propisima i pravilima za tu vrstu posla, kao i zahtjevima naručioca navedenim u specifikaciji i pozivu za ponudu,
- garantovati kvalitetno izvršenje,
- održavati kontinuitet i dinamiku izvršenja svojih obaveza i u ugovorenom roku izvršiti posao iz predmeta ovog ugovora,
- **osigurati garanciju za uredno izvršenje posla u visini od 10% od vrijednosti ugovora u roku od deset dana od potpisivanja ugovora,**
- u svemu postupati prema nalogima naručioca ujedno poštujući odredbe pozitivno pravnih propisa, ovog ugovora i Okvirnog sporazuma.

U slučaju neispunjenja ugovornih obaveza i povrede dinamike rada Izvršioac odgovara za svu učinjenu nastalu štetu načinjenog propusta.

Član 8.

Ukoliko Izvršioac ne izvodi posao u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, ili izvršava na način kojim se ugrožava sigurnost, Ugovorni organ ima pravo da obustavi dalje izvođenje posla i da od Izvršioca zahtjeva da u datom primjerenom roku koji definiše naručilac otkloni nedostatke.

Ukoliko Izvršioac ni u naknadno utvrđenom roku ne izvršava ugovorne obaveze, Ugovorni organ može raskinuti ugovor i posao ustupiti drugom Izvršiocu.

Izvršiocu se neće platiti posao koje bude izvodio nakon pismenog naloga Ugovornog organa kojim se nalaže obustava i isti je odgovoran je za sve posljedice koje mogu proisteći iz osnova nepridržavanja obustave.

Izvršioac se neće platiti ni poslovi koji nisu izvršeni prema nalogima, tehničkoj dokumentaciji, standardima, smjernicama i pravilima. Naručilac ima pravo da Izvršiocu odbije dio naknade od iznosa fakture za nekvalitetno i nepotpuno izvedeni posao.

Sve štete nastale usljed neizvršenja posla, nekvalitetnog, neblagovremenog, neadekvatnog i nepotpunog izvršenja, kao i štete prema naručiocu i trećim licima za koje je odgovoran Izvršioac nadoknaditi će sam Izvršioac.

Na osnovu pismenog izvještaja o neizvršavanju ugovornih obaveza naručilac može raskinuti ovaj ugovor i tražiti naknadu prouzrokovane štete.

Član 9.

Izvršioac je dužan poslove izvoditi u skladu sa usvojenom tehničkom dokumentacijom, pozitivnim zakonskim propisima, važećim tehničkim propisima, standardima i smjernicama i pravilima struke.

Istovremeno sa završetkom posla moraju se ukloniti ostaci materijala, sredstava rada kao i drugi predmeti i sredstva korištena prilikom izvršenja posla

OBAVEZE NARUČIOCA

Član 10.

Naručilac se obavezuje :

- pravovremeno uputiti prigovore na eventualne propuste a koji nisu u skladu sa Ugovorom i ponudom,
- pravovremeno izvršavati svoje obaveze po ugovoru,
- isplatiti naknadu prema odredbama Ugovora.

USTUPANJE POSLA

Član 11.

Izvršioc nema pravo ustupiti ugovorene poslove u cijelosti ili djelimično drugom pravnom licu.

GARANCIJA ZA UREDNO I KVALITETNO IZVRŠENJE POSLA

Član 12.

Izvršioc daje garanciju da su poslovi iz predmeta ovog ugovora urađeni u skladu sa važećim propisima, standardima, tehničkim normativima i pravilima struke i da odgovara za sve eventualne propuste nastale kao posljedica neadekvatnog izvršenja.

Izvršilac je dužan obezbjediti безусловnu bankovnu garanciju za uredno izvršenje ugovora u visini od 10% od vrijednosti Ugovora najkasnije u roku 10 (deset) dana nakon potpisivanja ugovora.

Period trajanja garancije mora obuhvatati period od početka do okončaja posla po ugovoru i biti uvećan za 30 dana u odnosu na period trajanja samog ugovora/perioda izvršenja.

VIŠA SILA

Član 13.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

KORIŠTENJE UGOVORNIH DOKUMENATA I POSLOVNA TAJNA

Član 14.

Izvršiocu nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvršioc i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

RJEŠAVANJE SPOROVA I MJERODAVNO PRAVO

Član 15.

Naručioc ima pravo da raskine ugovor ako Izvršioc propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku koji bi za naručioca bio prihvatljiv. U tom slučaju ugovorni organ neće platiti Izvršioc onaj dio posla koji je u nastavku rada nemoguće koristiti.

Ugovorne strane će nastojati svaki spor iz Ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u BiH.

POSEBNE ODREDBE

Član 16.

Ovaj ugovor ostaje na snazi do potpunog izvršenja ugovorenih poslova. Ugovorene strane mogu sporazumno otkazati ovaj ugovor i prije njegovog izvršenja ukoliko, neovisno od ugovorenih strana, nastupe okolnosti, koje bitno utiču na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

Prava i obaveze ugovornih strana, po ovom Ugovoru u svakom pogledu regulisana su pozitivnim zakonskim propisima BiH.

Sve obaveze vezane za ovaj ugovor biti će sačinjeni u pismenoj formi, uključujući i odobrenja, naloge, uputstva i sl.

ZAVRŠNE ODREDBE

Član 17.

Ovaj ugovor stupa na snagu danom obostranog potpisivanja ovlaštenih predstavnika. Sastavni dio ugovora je tehnička dokumentacija (Program vanjske kontrole).

Član 18.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.



IZVRŠIOČ:

Emir Muslić

DTQ d.o.o. i Divel d.o.o.



IZVRŠIOČ:

Selmir Kovač dipl.ing.saob
Direktor

Direkcija za puteve Kantona Sarajevo

Broj: 1014-07/21
Datum: 01.07.2021.

Broj: 04-14-39797-U3-IX/18
Datum: 30.06.2021. godine

